

ՆԱԽԱԳԻԾ

ՀԱՍՏԱՏՎԱԾ Է՝
«ԱՐՑԱԽ ՀԷԿ» բաց բաժնետիրական ընկերություն
բաժնետերերի ընդհանուր ժողովի որոշմամբ
Արձանագրություն N _____, _____ 2010թ.

ԿԱՆՈՆԱԿԱՐԳ

ՇԱՀՈՒԹԱԲԱԺՆԱՅԻՆ ՔԱՂԱՔԱԿԱՆՈՒԹՅԱՆ ՄԱՍԻՆ



«ԱՐՑԱԽ ՀԷԿ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Ստեփանակերտ 2010թ.



ԲՈՎԱՆԴԱԿՈՒԹՅՈՒՆ

1. Ընդհանուր դրույթներ.....	3
2. Շահութաբաժնի մասին դրույթներ.....	3
3. Ընկերության շահութաբաժնային քաղաքականության սկզբունքները.....	3
4. Շահութաբաժնի վճարման մասին որոշման ընդունման կարգ	4
5. Շահութաբաժնի հաշվարկումը.....	5
6. Շահութաբաժնի ստանալու իրավունք ունեցող անձանց ցուցակ.....	5
7. Շահութաբաժնի վճարման կարգը և ժամկետները.....	5
8. Արտոնյալ բաժնետոմսերին շահութաբաժնի վճարման առանձնահատկություններ.....	6
9. Շահութաբաժնի վճարման սահմանափակումները.....	6
10. Բաժնետերերին Ընկերության շահութաբաժնային քաղաքականության մասին տեղեկացում	7



1. Ընդհանուր դրույթներ

1.1. Սույն կանոնակարգը մշակված է «Բաժնետիրական ընկերությունների մասին» ԼՂՀ օրենքի և այլ նորմատիվ իրավական ակտերի, «Արցախ ՀԷԿ» բաց բաժնետիրական ընկերության (այսուհետ՝ «Ընկերություն») կանոնադրության պահանջներին համապատասխան և սահմանում է Ընկերության շահութաբաժնային քաղաքականության հիմնական սկզբունքները, շահութաբաժինների վճարման մասին որոշման ընդունման, շահութաբաժինների հաշվարկման կարգը:

2. Շահութաբաժինների մասին դրույթներ

2.1. Շահութաբաժինները հանդիսանում են Ընկերության գուտ շահույթի (կուտակված շահույթի) մի մասը, որը բաշխվում է բաժնետերերի միջև՝ նրանց պատկանող բաժնետոմսերի քանակին համամասնորեն:

2.2. Հասարակ (սովորական) բաժնետոմսերի դիմաց շահութաբաժինների վճարման մասին որոշման ընդունումը հանդիսանում է Ընկերության իրավունքը և ոչ թե պարտականությունը:

Հայտարարված շահութաբաժինների վճարումը Ընկերության պարտականությունն է, որի համար Ընկերությունը պատասխանատվություն է կրում շահութաբաժիններ ստանալու իրավունք ունեցող անձանց առջև ԼՂՀ օրենսդրությանը համապատասխան:

Ընկերությունը վճարում է միայն հայտարարված շահութաբաժինները: Շահութաբաժինների վճարման մասին որոշման բացակայության դեպքում Ընկերությունն իրավունք չունի վճարել, իսկ Ընկերության բաժնետերերը՝ պահանջել շահութաբաժինների վճարում:

2.3. Շահութաբաժինները վճարվում են ՀՀ դրամով:

2.4. Ընկերության Գլխավոր տնօրենն ապահովում է հայտարարված շահութաբաժինների ժամանակին և լիարժեք վճարումը:

3. Ընկերության շահութաբաժնային քաղաքականության սկզբունքները

3.1. Ընկերության շահութաբաժնային քաղաքականությունը հիմնված է հետևյալ սկզբունքների վրա.

ա) գուտ շահույթի (կուտակված շահույթի) առկայության դեպքում Ընկերությունը դրա որոշակի մասն ուղղում է շահութաբաժինների վճարմանը, իսկ Ընկերության տնօրինության տակ մնացած շահույթն օգտագործում է վերաներդրման համար՝ Ընկերության աճի նպատակով,

բ) Ընկերության և նրա բաժնետերերի շահերի օպտիմալ համադրություն,

գ) Ընկերության ներդրումային գրավչության և նրա կապիտալիզացիայի բարձրացման անհրաժեշտություն,

դ) ԼՂՀ օրենսդրությամբ և կորպորատիվ վարքագծի սովորույթներով նախատեսված՝ բաժնետերերի իրավունքների հարգում և խիստ պահպանում,

- ե) շահութաբաժնիների չափի սահմանման և դրանց վճարման մեխանիզմների թափանցիկություն,
- 3.2. Ընկերության տնօրենների խորհուրդը (այսուհետ՝ Խորհուրդ) միջանկյալ շահութաբաժնիների չափը որոշելիս հիմնվում է Ընկերության ֆինանսական հաշվետվությունների տվյալներով սահմանված գուտ շահույթի մեծության վրա:
- 3.3. Տարեկան շահութաբաժնիների առաջարկվող չափը, որպես Ընկերության բաժնետերերի տարեկան ընդհանուր ժողովին (այսուհետ՝ «Ժողով») առաջարկ, սահմանվում է Խորհրդի կողմից Ընկերության գործունեության ֆինանսական արդյունքներով, բայց, որպես կանոն, չպետք է պակաս լինի Ընկերության գուտ շահույթի 20 տոկոսը:

4. Շահութաբաժնիների վճարման մասին որոշման ընդունման կարգ

- 4.1. Միջանկյալ շահութաբաժնիների վճարման, այդ թվում՝ շահութաբաժնիների չափի և դրանց վճարման ձևի որոշումը ընդունվում է Խորհրդի կողմից: Միջանկյալ շահութաբաժնիների չափը չի կարող գերազանցել նախորդ ֆինանսական տարվա արդյունքներով բաշխված շահութաբաժնի 50 տոկոսը:
- 4.2. Տարեկան շահութաբաժնիների վճարման, այդ թվում՝ շահութաբաժնիների չափի և դրանց վճարման ձևի որոշումը ընդունվում է Ժողովի կողմից: Տարեկան շահութաբաժնիների չափը չի կարող ավելի լինել Խորհրդի առաջարկից և պակաս լինել արդեն վճարված միջանկյալ շահութաբաժնիների չափից:
- Եթե Ժողովի որոշմամբ տարեկան շահութաբաժնիների չափը սահմանվում է արդեն վճարված միջանկյալ շահութաբաժնիների չափին հավասար, բաժնետոմսերի դիմաց տարեկան շահութաբաժնիներ չեն վճարվում:
- Եթե Ժողովի որոշմամբ տարեկան շահութաբաժնիների չափը սահմանվում է արդեն վճարված միջանկյալ շահութաբաժնիների չափից ավելի, ապա շահութաբաժնիները վճարվում են սահմանված տարեկան շահութաբաժնի և տվյալ տարում արդեն վճարված միջանկյալ շահութաբաժնիների գումարի տարբերության չափով:
- 4.3. Շահութաբաժնիների վճարման մասին որոշմամբ պետք է սահմանվեն.
- ա) շահութաբաժնի չափը մեկ բաժնետոմսի հաշվարկով (ըստ բաժնետոմսերի տեսակների և դասերի),
 - բ) շահութաբաժնիների վճարման ժամկետները,
 - գ) շահութաբաժնիների վճարման ձևը:
- 4.4. Միջանկյալ շահութաբաժնիների վճարման մասին որոշում կարող է ընդունվել համապատասխան ժամանակաշրջանի (եռամսյակի կամ կիսամսյակի) ավարտից հետո 60 օրվա ընթացքում:
- 4.5. Տարեկան շահութաբաժնիների վճարման մասին հարցը Ժողովի օրակարգում ընդգրկվում է, որպես առանձին հարց կամ Ընկերության շահույթի բաշխման մասին որոշման բաղկացուցիչ մաս:
- Տարեկան շահութաբաժնիների վերաբերյալ Խորհրդի առաջարկությունները պետք է ձևակերպված լինեն տնօրենների խորհրդի նիստի արձանագրությամբ, որը (որի քաղվածքը) պետք է հասանելի լինի Ընկերության բոլոր բաժնետերերին ծանոթանալու համար:



5. Շահութաբաժնիների հաշվարկումը

- 5.1. Որպես շահութաբաժնիների վճարման աղբյուր հանդես է գալիս Ընկերության զուտ շահույթը (Ընկերության կուտակված շահույթը):
- 5.2. Շահութաբաժնիներ չեն հաշվարկվում և չեն վճարվում հետևյալ բաժնետոմսերի դիմաց.
 - ա) չտեղաբաշխված (շրջանառության մեջ չգտնվող),
 - բ) Ընկերության տեղաբաշխված այն բաժնետոմսերը, որոնք սեփականության իրավունքով պատկանում են Ընկերությանը,
 - գ) ԼՂՀ օրենսդրությամբ նախատեսված այլ դեպքերում:

6. Շահութաբաժնիներ ստանալու իրավունք ունեցող անձանց ցուցակ

- 6.1. Շահութաբաժնիների յուրաքանչյուր վճարման համար Խորհուրդը կազմում է շահութաբաժնիներ ստանալու իրավունք ունեցող անձանց ցուցակ, որում ընդգրկվում են`
 - ա) միջանկյալ շահութաբաժնիներ վճարելու դեպքում` Ընկերության բաժնետերերը, որոնք ընդգրկվել են Ընկերության բաժնետերերի ռեեստրում Խորհրդի միջանկյալ շահութաբաժնիներ վճարելու մասին որոշման կայացման օրվանից 10 օր առաջ,
 - բ) տարեկան շահութաբաժնիներ վճարելու դեպքում` Ընկերության բաժնետերերը, որոնք ընդգրկվել են Ընկերության բաժնետերերի ռեեստրում ժողովին մասնակցելու իրավունք ունեցող բաժնետերերի ցուցակը կազմելու օրվա դրությամբ:
- 6.2. Շահութաբաժնիներ ստանալու իրավունք ունեցող անձանց ցուցակում ներառվում են.
 - ա) ցուցակը կազմելու օրվա դրությամբ բաժնետոմսերի սեփականատերերի ռեեստրում գրանցված սեփականատեր բաժնետերերը,
 - բ) ցուցակի կազմման օրվա դրությամբ բաժնետոմսերի սեփականատերի ռեեստրում գրանցված այլ անձինք (գրավառուները, հավատարմագրային կառավարիչները և այլն), եթե այլ բան սահմանված չէ տվյալ անձի և բաժնետիրոջ միջև կնքված պայմանագրով,
- 6.3. Շահութաբաժնիներ ստանալու իրավունք ունեցող անձանց ցուցակը կազմելու համար բաժնետերմսերի սեփականատերերի ռեեստրում գրանցված անվանատերերը ներկայացնում են նրանց մոտ գրանցված բաժնետերերի վերաբերյալ անհրաժեշտ տվյալներ:

7. Շահութաբաժնիների վճարման կարգը և ժամկետները

- 7.1. Ընկերության կողմից շահութաբաժնիների ստացման իրավունք ունեցող անձանց շահութաբաժնիների վճարումը կատարվում է բանկային հաշիվներին կամ փոստային հասցեներին համապատասխան գումարների փոխանցման միջոցով: Բանկային հաշիվների և փոստային հասցեների մասին տեղեկությունների բացակայության դեպքում Ընկերությունը



շահութաբաժնիները կարող է վճարել դրամարկղից առձեռն՝ ապահովելով շահութաբաժին ստացող անձի նույնականացումը:

- 7.2. Տարեկան շահութաբաժնիների վճարման ժամկետը սահմանվում է ժողովի տարեկան շահութաբաժիններ վճարելու մասին որոշմամբ:
- 7.3. Միջանկյալ շահութաբաժնիների վճարման ժամկետը սահմանվում է Խորհրդի միջանկյալ շահութաբաժիններ վճարելու մասին որոշմամբ, բայց ոչ շուտ, քան տվյալ որոշման ընդունման պահից 30 օր անց:
- 7.4. Եթե շահութաբաժնիների վճարման ժամանակաշրջանի վերջին օրը ոչ աշխատանքային օր է, ապա ժամանակաշրջանի վերջին օր համարվում է այդ օրվան հաջորդող աշխատանքային օրը:
- 7.5. Ընկերությունն իրավունք ունի կատարել շահութաբաժնիների վճարման պարտականությունը շահութաբաժնիների վճարման ժամանակաշրջանի ընթացքում յուրաքանչյուր օր՝ ներառյալ վերջին օրը:

8. Արտոնյալ բաժնետոմսերին շահութաբաժնիների վճարման առանձնահատկություններ

- 8.1. Արտոնյալ բաժնետոմսերի սեփականատեր բաժնետերերին շահութաբաժիններ վճարվում են հետևյալ կանոնների պահպանմամբ.
 - ա) յուրաքանչյուր դասի արտոնյալ բաժնետոմսի դիմաց վճարվող շահութաբաժինը սահմանվում է ժողովի կողմից դրամական գումարի տեսքով կամ որպես տոկոսադրույք արտոնյալ բաժնետոմսի անվանական արժեքի նկատմամբ,
 - բ) եթե ժողովի որոշմամբ թողարկվում և տեղաբաշխվում են 2 կամ ավելի ձևի արտոնյալ բաժնետոմսեր, ապա պետք է սահմանվի նաև շահութաբաժնիների վճարման հերթականությունը,
 - գ) երեք հաջորդական տարիների ընթացքում արտոնյալ բաժնետոմսերին հասանելիք շահութաբաժնի չվճարելը կարող է հիմք հանդիսանալ Ընկերության դատական կարգով լուծարման համար:

9. Շահութաբաժնիների վճարման սահմանափակումները

- 9.1. Շահութաբաժնիների վճարման մասին որոշման ընդունման և շահութաբաժնիների վճարման դեպքում Ընկերությունն առաջնորդվում է ԼՂՀ օրենսդրությամբ և Ընկերության կանոնադրությամբ սահմանված սահմանափակումներով:
- 9.2. ԼՂՀ օրենքներով սահմանված հիմքերի առկայության դեպքում, երբ Ընկերությունն իրավունք չունի վճարել հայտարարված շահութաբաժնիները, Ընկերությունը պարտավոր է դադարեցնել շահութաբաժնիների վճարումը: Վերը նշված դեպքերում շահութաբաժնիների վճարման դադարեցումը չի սահմանափակում հայտարարված շահութաբաժնիներ ստանալու բաժնետերերի իրավունքը՝ վճարումը դադարեցնելու հիմքերի վերացման դեպքում: Նման հիմքերի վերացման (դադարեցման) դեպքում Ընկերությունը պարտավոր է ողջամիտ ժամկետում վճարել բաժնետերերին հայտարարված շահութաբաժնիները:



10. Բաժնետերերին Ընկերության շահութաբաժնային քաղաքականության մասին տեղեկացում

10.1. Ընկերությունը իր շահութաբաժնային քաղաքականության մասին տեղեկությունները հրապարակում է Ընկերության ինտերնետային կայքում հետևյալ հասցեով՝ www.artsakhhpp.com:

Ընկերության կայքում տեղադրված տեղեկությունները պետք է ներառեն նաև սույն կանոնակարգը և կանոնակարգում կատարված փոփոխությունները,

Շահութաբաժինների վճարման չափի, ձևի, ժամկետների և կարգի մասին Ընկերությունը ծանուցում է բաժնետերերին Ընկերության կայքում տեղեկատվություն տեղադրելու միջոցով:

Ժողովում որոշումների ընդունման համար բաժնետերերին ներկայացվող նյութերը պետք է պարունակեն շահութաբաժինների վճարման համար անհրաժեշտ պայմանների առկայության կան բացակայության մասին տեղեկություններ:

10.2. Ընկերության կայքում և այլ միջոցներով բացահայտվող՝ շահութաբաժինների վճարման մասին որոշման ընդունման, շահութաբաժինների չափի, ձևի, ժամկետների և կարգի մասին Ընկերության կողմից հրապարկվող հաղորդագրությունը բաժնետերերին պետք է տա վերոնշյալ հարցերի վերաբերյալ միանշանակ և հստակ ցուցումներ:

Միաժամանակ, նման հաղորդագրության մեջ պետք է բացատրվի բաժնետերերին իրենց պարտականությունը՝ Ընկերությանը տեղեկացնել իրենց բանկային վավերապայմանների և փոստային հասցեների փոփոխությունների, ինչպես նաև այդ պարտականության չկատարման հետևանքների մասին: